



## Allakkiaq Notat

Brevdato: 26-09-2021  
Sags nr. 2021 - 6197  
Dok. nr. 18114907

### Aallaqqaasiut

Klamydia gonorré-lu pillugit Nunatsinni Nakorsaaneqarfiup naatsorsugaanut Dronning Ingridip Napparsimmavissuani aaviisarfimmit paasissutissat tunngaviupput. Naatsorsuineq nalunaarsuinissaq kisiat siunertaralugu suliaavoq naatsorsueqqissaarnermilu misiliinernik imaqarani.

Postboks 120  
3900 Nuuk  
Tlf. (+299) 34 51 92  
Fax (+299) 32 51 30  
E-mail: nun@nanoq.gl  
www.nanoq.gl

2020-imi gonorré-mut klamydiamullu misissugassat akissutitallit katillugit 19.694-iupput.

### 2020-imi gonorré-mik tunillatsittut

(tappiorannartumik Neisseria gonorrhoeae-mik patsiseqartumik).

2020-ip ingerlanerani misissuinerni, gonorré-mut ersiuteqarneq pissutigalugu paasissutissani, inuit ataasiakkaat arlaleriarlutik ilaasinnaapput. 2018-imiilli Nunatsinni Nakorsaaneqarfimmit ima nassuiaaserneqarpoq: Inuk ataaseq arlaleriarluni nassaarfiupput, gonorré-mik tunillatseqqinnermi- siuliani nassaarfiunermit ullut 21-it sinnerlugit qaangiussimassapput. Nassuiaat taanna Danmarkimi Statens Serum Institutimit aamma atorneqarpoq (1).

Misissugassanit akissutiffiusunit 20.101-init, 2.015-it (10,0 %) gonorré-mik tunillatsissimapput.

Katillugit 2.015-iniit, 1.962-it (97,4 %) tunillatserlaajupput. 2019-imi 1.722-inut gonorré-mik tunillatsissimasunut sanilliullugit nassaarfiusut 240-inik amerlanerullutik (2).

Inuit assigiinngitsut 2020-ip ingerlanerani gonorré-mik tunillatsittut 1.749-iupput. 2020-ip ingerlanerani inuit 176-it marloriarlutik tunillatsissimapput, 17-it pingasoriarlutik ataaserlu sisamariarluni tunillatsisimalluni. Taamaalillutik misissukkat nassaarfiusut 11,1 %-ii (194/1.749) tunillatseqqissimannikkunik ilaatigut suli qaangiisimangillat.

Gonorré-mik tunillatsissimasut ernumanaatilimmik amerleriarput pingaartumillu inuusuttut (15-it 24-illu akornanni ukiullit) inuusuttuaqqallu (qulit 20-illu akornanni ukiullit), gonorré-mik tunillatsissimanerat ernumanaateqarluni, ataaniittoq takuuk.

## Ukiuimikkut agguataarsimanerat

Gonorré-mik tunillatsissimasut agguaqatigiissillugit 26,2-nik ukioqarnerat tunillatsissimasullu ukiukinnersaat sisamat (tamarmik nivarsiaqqat) 13-inik ukioqarnerat ukioqqortunerpaallu 75-inik ukioqarnera paasissutissani takuneqarsinnaavoq.

<b>Tabeli 1: 2020-imi gonorré-mik tunillatsissimasut ukiuinut agguataarsimanerat (number [n]=1.962)*</b>				
Ukiut	Angutit	Arnat	Katillugit	Procentinngorlugit
0-4	0	0	0	0
5-9	0	0	0	0
10-14	3	26	29	1,5
15-19	138	351	489	24,9
20-24	200	324	524	26,7
25-29	167	211	378	19,3
30-34	96	144	240	12,2
35-39	63	67	130	6,6
40-44	28	30	58	3,0
45-49	22	18	40	2,0
50-54	20	22	42	2,1
55-59	11	7	18	0,9
60+	9	5	14	0,7
Katillugit	757	1.205	1.962	≈ 100 %
* Nassuiaat: 2018-imiit gonorré-mik tunillatserlaat asseqanngitsut nassaarfiusutut imal. ullut 21-it sinnerlugit akunnillimmik marloriarlugit nassaarfiusutut kisinneqartalerput. Taamaalillutik misissuinerni gonorré-mik nassaarfiusut tamarmik 97,4 % -ii 2020-imi kisitsisinut ilaapput.				

Tunillatsissimasut 51,6 %-ii ukioqatigiiaani taakkunaneersuummata pingaartumik inuusuttut 15-iniit 24-illu akornanni ukiullit (25-iliisimangitsut), gonorré-mik tunillatsissimapput. 2019-imi ukioqatigiinni taakkunani kisitsisip 52,6 %-iulluni nikippiarsimanginnera (2) qulaani tabelimi 1-imi takuneqarsinnaavortaaq. Danmarkimisuut gonorré-mik tunillatsissimasut amerlanersaat 15-it 24-illu akornannik ukioqarput (3a).

Inuusuttuaqqat katillutik 518-iunerat gonorré-mik tunillatsissimasut, taakkulu inuusuttuaqqanut ataasiakkaanut 458-inut agguataareri, paasisutissani takuneqarsinnaavoq. 2020-ip ingerlanerani inuusuttuaqqat 45-it marloriarlutik tunillatsissimanerat, arfinillit pingasoriarlutik tunillatsissimanerat ataatsillu sisamariarluni tunillatsissimanagera paasisutissanit takuneqarsinnaavortaaq. Taamaalillutik misissukat nassaarfiusut 10,0 %-ii (52/518) tunillatseqqissimasuullutik. Tamatumunnga atatillugu gonorré-mik tunillatsissimasut amerlanersaasa niviarsiaaernerat (niviarsiaqqat [ni]=377/nukappiaqqat [nu]= 141), taakkunanga 263-it 18-it inorlugit ukioqarnerat 29-illu 15-it inorlugit ukioqarnerat takuneqarsinnaavoq.

Taamaalilluni 2019-imisuulli 2020-imi nunatsinni inuusuttuaqqat akornanni gonorré-mik tunillatsissimasumik minnerpaamik ataatsimik ullut tamaasa siumuisoqartarpoq, ullullu 13-issaasa missaanni ukiukitsumik gonorré-mik tunillatsissimasumik siumuisoqartarluni.

Pisortat suliffeqarfiutaanni sulisutut allatulli, peqqinnissakkut sullissisut ukiukitsunut kinguaassiutitigut nappaatinut misissortittunut tunngatillugu nalunaaruteqarnissamut sakkortusisamik/annertusisamik pisussaaffeqarput.

Inatsit tunngavigineqartoq tassaavoq meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq § 16. Taamalillutik pisortat suliffeqarfiinni atorfillit qinikkallu meeqqap peqqissusaanut ineriartornissaanullu navianartorsiortitsisumik inuuneqarneranik ilisimasaqalerunik kommunalbestyrelsimut nalunaaruteqarnissamut sakkortusisamik/annertusisamik pisussaaffeqarput.


### Gonorré-mik tunillatsissimasut 15-ileereersimasut

<b>Tabeli 2: 2020-imi Inuit 100.000-iuppata (10<sup>5</sup>) gonorré-mik tunillatsissimasut 15-ileereersut amerlassusaat kiisalu inuit 1.000-iuppata 15-it 59-illu akornanni ukiullit amerlassusaat*</b>			
	Angutit	Arnat	Katillugit
15-ileereersuni gonorré-mik tunillatsittut	754	1.179	1.933
Innuttaasut 15-ileereersut **amerlassusaat	23.684	21.010	44.694
Inuit 10 <sup>5</sup> -iuppata 15-ileereersut gonorré-mik tunillatsissimasut	3.184	5.612	4.325
15-iniit 59-inik ukiullit gonorré-mik tunillatsissimasut	745	1.174	1.919
Innuttaasut 15-it 59-illu akornanni ukiullit amerlassusaat**	18.970	17.214	36.184
15-iniit 59-inut ukiullit 1.000- iuppata gonorré-mik tunillatsissimasut	39,3	68,2	53,0

\* Nassuiaat: 2018-imiit gonorré-mik tunillatserlaat asseqanngitsutut nassaarfiusutut imal. ullut 21-it sinnerlugit akunnillimmik marloriarlugit nassaarfiusutut kisinneqartalerput. Taamaallituk misissuinerni gonorré-mik nassaarfiusut tamarmik 97,4 % -ii 2020-imi kisitsisinut ilaapput.

\*\* Ukiup affaani (1. juli 2020), www.stat.gl, tabel BEXSTM3-mi pissarsiassaasunut sanilliullugit naatsorsukat.

2020-imi Kalaallit Nunaanni innuttaasut 15-it 59-illu akornanni ukiullit 1.000-iugaangata 53-it tunillatsissimasarnerat ataani tabelimi 2 -mi takuneqarsinnaavoq. Taakku 2019-imi innuttaasut 15-it 59-illu akornanni ukiullit 1.000-iuppata tunillatsissimasunut 46,6-iusunut sanillullugit amerleriaateqarput.



Takussutissiami siullermi gonorré-mik tunillatsissimasut 2019-imiit (10<sup>5</sup>-iuppata 3.062,7-iullutik) 2020-imut (3.485,2 per 10<sup>5</sup>), 2009-iminngaanniit qaffasinnerpaanerat takuneqarsinnaavoq. Kisitsisit 2020-imi Danmarkimut nuna tamakkerlugu inuit 10<sup>5</sup>-iuppata gonorré-mik tunillatsittunut 50-iusunut sanilliullugit qaffasinneroqaat (gonorré-mik tunillatsissimasut katillugit 2500-iullutik)(3b).

Tamatuma saniatigut gonorré-mik tunillatsissimasut 2009-miit 2018-mut aalaakkaangaatsiariarlutik 2020-imi qaffariapiloornerat, ataanni takkussutissiami siullermi takuneqarsinnaavoq.

Ukiuni siuliinisut 2020-imi gonorré-mik tunillatsissimasut arnanut (10<sup>5</sup>-iuppata 4.522,9-nut) sanilliullugit angutit (10<sup>5</sup>-iuppata 2.552,9-llutik) ikinnerunerat qulaani takussutissiami siullermi takuneqarsinnaavortaaq.

2018-imiit maannamut amerleriapiloornerat pingaartumik arnani tunillatsissimasuni takussaavoq. Arnat naartunermut atatillugu gonorré-mut misissortittarput. Taamaammat arnat angutinit amerlanerusut misissortittarput. Angutit ersiuteqarnertik imal. tunillanneqarsimasinnaanerminnik pasitsaassinertik tunngavigalugu namminneq saaffiginnittut kisimik misissorneqartarput. Taamaammat nappaammut ersiuteqanngitsuni arnat takussutissatut saqqummiunneqarneri amerlanerussapput.

Danmarkimi arnanut sanilliullugit angutit marloriaataat 2020-imi gonorré-mik tunillatsissimanerat angutillu tunillatsissimasut taakku affaat sinneqartut suiaaqatinoortartuusut kisitsisit takutippaataaq (3c), (suaiaqatiginngisamik atoqateqartartut= 711 (3d) /suaiaqatinoortartut= 972 (3e)). Nalunaarutigineqartuni suiaaqatiginngisanoortartut imal. suaiaqatinoortartut akornanni gonorré-mik tunillatsinnerunersut, Nunatsinni Nakorsaaneqarfiup kisitsisaatiginngilai.

## **Gonorré-mik tunillatsissimasut illoqarfinnut agguataarneqarnerat**

Kalaallit Nunaanni innuttaasut 1.000-iuppata 34,9 gonorré-mik tunillatsissimanerat ataani tabelimi 3-mi takutinneqarpoq. Gonorré-mik tunillatsissimasut Tasiilami amerlanerpaanerat takuneqarsinnaavoq (1.000-iuppata 80,6 tunillatsissimallutik), taakkulu nunarput tamakkerlugu tunillatsissimasut isigigaanni 11 %-ii sinnilaarpaat, tulliupput Ittoqqortoormiit Qaanaarlu. Ukiup siuliani 2019-imi tunillatsissimasut Ittoqqortoormiini, Nanortalimmi Qaqortumilu amerlanerpaapput illoqarfinnilu taakkunani pingasuni 2020-imi ikileriarlutik. Tamatuma saniatigut tunillatsissimasut tamakkiisumik isigigaanni 25,6 %-ii Nuumiittut 15,5 %-iilu Sisimiuniittut takuneqarsinnaavoq.

Gonorré-mik tunillatsissimasut Uummannami (innuttaasut 1.000-iuppata 10,9 -ullutik) ikinnerpaapput, tulliupput Qeqertarsuaq Upernavillu. Ukiup siuliani 2019-imi illoqarfinni taakkunanittaaq tunillatsittut ikinnerpaapput.

Tamatuma saniatigut tunillatsissimasut illoqarfinni tamani agguaqatigiissillugit 20-it sinnerlugit ukioqarnerat tabelimi 3-mi takuneqarsinnaavoq. Ataatsimut isigalugit agguaqatigiissillugit angutinit sanilliullugit arnat ukiunik pingasunik nukarliupput (arnat 25,0-inik angutillu 28,1-inik ukioqarlutik), taakkunanilu Qasigiannguani arnat ukiukinnerpaallutik (agguaqatigiissillugit 19,3-nik ukioqarlutik) Qaanaamilu arnat ukioqqortunerpaallutik (agguaqatigiissillugit 35,4-nik ukioqarlutik). Tamatuma saniatigut agguaqatigiissillugit Qaqortumi angutini tunillatsissimasut (agguaqatigiissillugit 23,0-nik ukioqarlutik) ukiukinnerpaajusut, Qaanaamilu angutini tunillatsissimasut agguaqatigiissillugit (agguaqatigiissillugit 36,4-nik ukioqarlutik) ukioqqortunerpaajusut takuneqarsinnaavoq.

<b>Tabeli 3: 2020-imi gonorré-mik tunillatsittut ukiumikkut agguataarlugit innuttaasunullu 1.000-inut naatsorsukkat illoqarfinnut agguataarsimanerat (n=1.962) *</b>						<b>2019 -imi gonorré-mik tunillatsittut ***</b>
Ukiui	Angutit (Ukiui agguaqatigi-issillugit)	Arnat (Ukiui agguaqatigi-issillugit)	Katillugit	Ukiui agguaqatigi-issillugit	Inuit 1.000-iuppata**	Inuit 1.000-iuppata
Nanortalik	26 (30,4)	41 (24,1)	67	26,6	40,6 (-)	66,4
Qaqortoq (Ivittuullu)	37 (24,0)	64 (24,2)	101	24,2	31,6 (-)	65,0
Narsaq	20 (27,6)	19 (25,1)	39	26,4	24,2 (-)	55,6
Paamiut	25 (28,1)	28 (24,5)	53	26,2	38,8 (+)	25,0
Nuuk	181 (28,3)	322 (25,6)	503	26,6	26,9	26,1
Maniitsoq	46 (28,6)	58 (25,1)	104	26,6	33,3 (+)	18,4
Sisimiut	122 (26,4)	183 (23,6)	305	24,7	48,8 (+)	30,5
Aasiaat (Kangaatsiarlu)	54 (26,3)	104 (24,2)	158	24,9	36,6 (+)	21,7
Qasigiannugit	20 (24,3)	30 (19,3)	50	21,3	42,2 (+)	41,5
Ilulissat	58 (27,6)	130 (26,4)	188	26,8	37,3 (+)	30,3
Qeqertarsuaq	9 (28,2)	9 (22,1)	18	25,2	21,4 (+)	14,9
Uummannaq	12 (24,9)	13 (20,2)	25	22,4	10,9 (-)	16,5
Upernavik	29 (27,8)	38 (25,2)	67	26,4	23,8 (+)	9,1
Qaanaaq	21 (36,4)	18 (35,4)	39	35,9	50,8 (-)	63,4
Tasiilaq	89 (30,9)	136 (25,7)	225	27,7	80,6 (+)	37,8
Ittoqqortoormiit	8 (35,1)	12 (31,1)	20	32,7	57,1 (-)	67,2
Nunatsinni illoqarfiit tamakkerlugit	757 (28,1)	1.205 (25,0)	1.962	26,2	34,9 (+)	30,7
<p>* Nassuiaat: 2018-imiit gonorré-mik tunillatserlaat asseqanngitsutut nassaarfiusutut imal. ullut 21-it sinnerlugit akunnillimmik marloriarlugit nassaarfiusutut kisinneqartalerput. Taamaallitutik misissuinerne gonorré-mik nassaarfiusut tamarmik 97,4 % -ii 2020-imi kisitsisinut ilaapput.</p> <p>** Ukiup affaani (1. juli 2019), www.stat.gl, tabel BEXSTM3-mi pissarsiassaasunut sanilliullugit naatsorsukkat</p> <p>*** Nunatsinni Nakorsaaneqarfik (Kalaallit Nunaat, 2020): 2020-imi Klamydiamut Gonorré-mullu tunngatillugu naatsorsueqqissaarnermi kisitsisit (2)</p>						

Illoqarfinni gonorré-mik tunillatsissimasut isigissagaanni, illoqarfinni amerlanerni innuttaasut 1.000-iuppata gonorré-mik tunillatsissimasut 2019-imut sanilliullugit 2020-imi amerleriarsimasut takuneqarsinnaavoq. Gonorré-mik tunillatsissimasuni kisitsisitigut qaffariaat annertunerpaaq Tasiilami takuneqarsinnaavoq (innuttaasut

1.000-iuppata 2019-imi = 37,8-llutik 2020-imilu 80,6-iullutik) Upernavimmilu (innuttaasut 1.000-iuppata 2019-imi 9,1-iullutik 2020-imilu 23,8-llutik), tassalu marloriaataanik qaffallutik, tulliuvoq Maniitsoq (marloriaatingajammik amerlillutik). Taamatutaaq Paamiuni, Sisimiuni Aasiannilu 2019-imut sanilliullugit amerliartornerat takuneqarsinnaavoq. Taamaaliartorneq ernumanaateqarpoq. Illoqarfiit ilaat gonorré-mik tunillatsittukinnerupput illoqarfiillu tunillatsittut ikileriarfiginerusaat tassaapput Peqqinnissaqarfik Kujataani illoqarfiit tamarmik tassalu Qaqortoq, Narsaq Nanortalillu.

## Inuusuttuaqqani gonorré-mik tunillatsittut

**Tabeli 4: 2020-imi gonorré-mik tunillatsissimasut ataasiakkaat amerlassusaat, innuttaasut amerlassusaat inuusuttuaqqallu (20-it inorlugit ukiullit) 1.000-iuppata nappaatip atugaanera\***

Gonorré-mik tunillatsittut amerlassusaat**			
Ukiui	Angutit	Arnat	Katillugit
11	0,0	0,0	0,0
12	0,0	0,0	0,0
13	0	10,4	5,2
14	8,3	61,1	34,6
15	20,9	104,0	62,0
16	41,7	191,0	113,7
17	88,5	220,6	151,5
18	92,6	239,2	166,4
19	131,5	219,9	176,7
20	85,6	182,8	134,2
Katillugit	58,2	150,8	104,1

\* Nassuiaat: 2018-imiit gonorré-mik tunillatserlaat asseqanngitsutut nassaarfiusutut imal. ullut 21-it sinnerlugit akunnillimmik marloriarlugit nassaarfiusutut kisinneqartalerput. Taamaalillutik misissuinerni gonorré-mik nassaarfiusut tamarmik 97,4 % -ii 2020-imi kisitsisinut ilaapput.

Qulaani tabelimi 4-mi kisitsisit inuusuttuaqqanut ( $\leq 20$ ) gonorré-mik tunillatsissimasunut tunngasut takutinneqarput. Gonorré-mik tunillatsissimasut aqqanilinniit 20-inut ukiullit niviarsiaqqat nukappiaqqanut sanilliullugit pingasoriaatingajammik amerlanerunerat (1.000-iuppata nukappiaqqat 58,2-ullutik niviarsiaqqallu 150,8-llutik), tabelimi 4-mi takutinneqarput.

Tamatuma saniatigut niviarsiaqqat nukappiaqqanut sanilliullugit 13-inik ukiulinni gonorré-mik tunillatsissimasut quleriaammik amerlanerunerat 14-inillu ukiulinni arfineq marloriaat sinnerlugu amerlanerunerat takuneqarsinnaavoq.

Tunillatsittartut isigissagaanni 1.000-iuppata arnat inuusuttuaqat 15-inik ukiullit tunillatsittartut 100-it sinneqarnerat, angutinilu 19-inik ukiullit tunillatsittartut 100-it sinneqarnerat takuneqarsinnaavoq. Niviarsiaqqani 17-it 19-illu ukiullit akornanni 1.000-iuppata 200-it sinneqartut takuneqarsinnaavoq, tassalu quliugaangata marluk sinneqartut imal. niviarsiaqqat 17-nit 19-illu akornanni ukiullit tallimaagaangata ataaseq 2020-imi gonorré-mik tunillatsissimasartuq tabelimi 4-mi takutinneqarpoq.

Ataatsimut isigalugit 16-it 20-illu akornanni ukiullit 1.000-iuppata 100-it sinneqartut tunillatsissimapput, tunillatsissimasullu amerlanerpaat 19-inik ukioqarput, taakku 1.000-iuppata 176,7-it gonorré-mik tunillatsissimallutik.

## **Inuusuttuaqqat gonorré-mik tunillatsissimasut illoqarfinnut agguataarsimanerat**

### **Ukiukitsut (qulit 14-illu akornanni ukiullit)**

Ukiukitsut, tassalu atoqatigineqarsinnaanermut ukiui inuuttut.

Tamatuma saniatigut gonorré-mik tunillatsissimasut ukiukitsut (15-iliisimangitsuni) (innuttaasut 1.000-iuppata 26-iullutik) Qasigiannuani amerlanerpaanerat, Sisimiut Qaqortoq tulliunerat takutinneqarpoq.

Nanortalimmi, Narsami, Qeqertarsuarmi Uummannami, Upernavimmi, Qaanaami Ittoqqortoormiinilu (innuttaasut 1.000-iuppata 0,0-iullutik) ukiukitsuni gonorré-mik tunillatsittoqarsimannginnera tabelimi 5-imi takuneqarsinnaavortaaq.

Illoqarfinni arfineq marlunni ukiukitsuni gonorré-mik tunillatsissimasut amerleriarput; Qasigiannuanilu, Sisimiuni Paamiunilu amerleriernerpaasimanerat takuneqarsinnaavoq. Ukiukitsuni gonorré-mik tunillatsissimasut Qeqertarsuarmi, Qaanaami, Nuummi Upernavimmilu ikileriarnepapput.

Tamatumunnga atatillugu 2020-imi paasissutissat 15-inik ukiulinnut tunngasut 2019-imilu paasissutissat ataqatigiisaarneqarput. Niviarsiaqqat katillugit tallimat 15-it inorlugit ukiullit 2020-imi 2019-imilu suli 15-iliinatik gonorré-mik tunillatsissimasut ataqatigiissaarneqarneranni paasineqarpoq. 2020-imi tamarmik 14-inik ukioqarput, taakkunnga marluk 2019-imi 13-inik ukioqarlutik.



<b>Tabeli 5: 2020-imi ukiukitsuni sulilu inersimasunnngorsimannngitsuni (18-iliisimannngitsuni) gonorré-mik tunillatsissimasut amerlassusaasa illoqarfinnut agguataarsimanerat*</b>			<b>2019-imi gonorré-mik tunillatsissimasut ***</b>	
Taama ukiullit 1.000-iuppata gonorré-mik tunillatsissimasut amerlassusaat **			1.000-iuppata	1.000-iuppata
Illoqarfik	Ukiukitsut Qulit 14-illu akornanni ukiullit****	18-iliisimannngitsut Qulit 17-illu akornanni ukiullit	Ukiukitsut Qulit 14-illu akornanni ukiullit****	18-iliisimannngitsut Qulit 17-illu akornanni
Nanortalik	0,0	85,2 (+)	0	53,8
Qaqortoq	14,4 (+)	51,7 (-)	4,9	59,4
Narsaq	0,0	5,9 (-)	0	24,7
Paamiut	10,8 (+)	64,7 (+)	0	14,4
Nuuk	2,5 (-)	28,9 (-)	7,5	30,5
Maniitsoq	5,3 (+)	41,5 (+)	0	44,2
Sisimiut	20,0 (+)	73,8 (+)	6,5	31,8
Aasiaat (Kangaatsiarlu)	11,6 (+)	49,7 (+)	0	41,0
Qasigiannnguit	26,0 (+)	130,1	0	129,8
Ilulissat	13,0 (+)	48,4 (+)	6,0	32,3
Qeqertarsuaq	0 (-)	52,6 (+)	16,6	20,2
Uummannaq	0	20,2 (+)	0	17,2
Upernavik	0	2,8 (-)	4,9	5,7
Qaanaaq	0 (-)	10,5 (-)	15,6	68,2
Tasiilaq	11,2 (-)	65,4 (+)	14,3	40,1
Ittoqqortoormiit	0	50,0 (-)	0	54,1
Katillugit	7,7 (+)	44,2 (+)	5,8	33,5

\* Nassuiaat: 2018-imiit gonorré-mik tunillatserlaat asseqannngitsutut nassaarfiusutut imal. ullut 21-it sinnerlugit akunnillimmik marloriarlugit nassaarfiusutut kisinneqartalerput. Taamaallitutik misissuinerni gonorré-mik nassaarfiusut tamarmik 97,4 % -ii 2020-imi kisitsisinut ilaapput.

\*\* Ukiup affaani (1. juli 2020), www.stat.gl, tabel BEXSTM3-mi pissarsiassaasunut sanilliullugit naatsorsukkat

\*\*\* 2019-imi Klamydia Gonorré-lu pillugit naatsorsueqqissaarnermi kisitsisit (2)

\*\*\*\* Ukiukitsuni tassalu atoqatigineqarsinnaanermut ukiui inuuttuni

## **Suli inersimasunngungitsuni/18-iliisimangitsuni (qulit 17-illu akornanni ukiullit)**

Qasigiannguanissaaq 18-iliisimangitsuni (quliniit 17-inut ukiulinni) gonorré-mik tunillatsisimasoqarnerunera (innuttaasut quliniit 17-inut ukiullit 1.000-iuppata 130,1-it tassalu 13%-it gonorré-mik tunillatsissimapput), 2019-imilu kisitsisit taamaaginnangajannerat, tabelimi 5-imi takutinneqarpoq. Gonorré-mik tunillatsissimasut amerlanersaat Qasigiannguniippat tulliullutik Nanortalik Sisimiullu, ikinnerpaat Upernavimmiippat (1.000-iuppata 2,8-llutik), tulliuppullu Narsaq aamma Qaanaaq.

18-iliineqanngitsuni (quliniit 17-inut ukiulinni) gonorré-mik tunillatsissimasut illoqarfinni arfineq pingasuni amerleriarput, Paamiuni, Sisimiuni Nanortalimmilu amerleriarnerpaallutik. 18-iliisimangitsuni gonorré-mik tunillatsissimasut Qaanaami, Narsami Qaqortumilu ikileriaateqarnerpaapput.

Oqaatigineqareersutut ukiunut siuliinut sanilliullugit 2020-imi gonorré-mik tunillatsittut amerlippat. Tamatuma peqatigisaanik 18-iliisimangitsut amerlaqisut ukiukitsullu 2020-imi gonorré-mik tunillatsissimasut 2019-imi aamma gonorré-mik tunillatsissimapput.

Ukiukitsuni gonorré-mik tunillatsikulaneq ernumanaatilittut Nunatsinni Nakorsaaneqarfimmit naliliivigineqarpoq.

## **2019-imi klamydiamik tunillatsittut**

(Nappaat tuniluttoq klamydia tappiorannartumik chlamydia trachomatis-imik patsiseqartoq).

2018-imiit Nunatsinni nakorsaaneqarfiup una nassuiaatitut atorpa: Inuk aalajangersimasoq misissuinerni arlaleriarluni nassaarfiuppat, kingullermillu nassaarfiunermiit ullut 42-it qaangiussimappata klamydiamik tunillatseqqissimanertut nassuarneqassaaq. Nassuiaat taanna Danmarkimi Statens Serum Institut-imit atorneqarportaaq (4).

Misissugassanit akissuteqarfigisanit 20.101-iniit 3.132-it (15,6 %) klamydiap tappiorannartuanik nassaarfiuppat.

Taamaalillutik paasissutissani misissukkanit nassaarfiusunit 3.132-iniit katillugit 2.984-it (95,3 %) klamydiamik tunillatserlaajuppat. 2019-imut 3.018-inik nassaarfiusumut sanilliullugit misissugassat nassaarfiusut 34-inik ikinneruppat (2).

Inuit assigiinngitsut 2020-ip ingerlanerani klamydiamik tunillatsissimasut 2.488-iuppat. Taakkunanga 361-it marloriarlutik nassaarfiuppat, 57-it pingasoriarlutik

nassaarfiupput arfineq marlullu sisamariarlutik nassaarfiullutik. Taamaalillutik misissukat tamarmik 13,6 %-ii (427/3.132) tunillatseqqissimangikkunik ilaatigut ikittuni sulii aqqqissimangitsut arlaleriarlutik nassaarfiupput.

Klamydia nappaataavoq illersuuteqarani atoqatigiinnikkut tuniluuttartoq. Nappaammi tamatumani ersiuteqarajunnginnera ajornartorsiutaavoq. Angutit tunillatsissimasut affaasa missaat nappaammut ersiuteqartangillat arnallu taamaallaat 25%-iisa missaat nappaammut ersiuteqartarlutik. Misissortittartut pingajorarterutaannaat angutaapput (5). Taama nappaateqarnermi ippiuteqartannginneq nalinginnaasuummat, amerlasuut nakorsiarnerminni sivisuumik attassimasarpaat. Arnat nakorsartinngitsut imal. kingusippallaamik nakorsarneqartut kingusinnerusukkut illissap avataagut naartulernermik imal. piumassuserinngisamik meerartaarsinnaannginnermik kinguneqarsinnaasumik mannissap aqputaagut aseruuttoorsinnaapput. Angutit nakorsartinngitsut isummikkut aseruuttoorsinnaapput (6).

Taamaammat 30-it inorlugit ukioqaraanni assigiinngitsunillu atoqateqartaraanni, nappaatinut atoqatigiinnikkut tuniluuttartunut akuttunngitsunik misissortittarnissaq innersuussutaavoq.

Inuusuttunissaq (15-iniit 24-inut ukiulinni) inuusuttuaqqanilu (quliniit 20-inut ukiulinni) klamydiamik tunillatsissimasut ernumanaatilimmik amerliartornerat tulliuttuni takuneqarsinnaavoq. Pitsaaliuinnermut tunngatillugu annertunerusumik paasissutissiinnikkut- ilaatigut nappaatit atoqatigiinnikkut tuniluuttartut usuullu puuanik atuinissamik ilinniartitsinikkut iliuuseqartoqarsinnaanissaa paasinarpoq.

## Ukiuumikkut agguataarneqarnerat

Klamydiamik tunillatsissimasut agguaqatigiissillugit 25,1 -inik ukioqarnerat ukiukinnerpaarlu nivarsiaaraasoq tallimanik ukiulik<sup>1</sup>, ukioqqortunerpaarlu tassaasoq angut 75-inik ukiulik, paasissutissani takuneqarsinnaavortaaq.

Ataani tabelimi 6-imi kisitsisit misissoraanni pingaartumik inuusuttut 15-it 24-illu akornanni ukiullit (25-iliisimangitsut) klamydiamik tunillatsissimasut takuneqarsinnaavoq. Tunillatsissimasut 55,7 %-ii ukioqatigiiaani taakkunaniipput, 2019-imilu 57,0%-iullutik amerlaqatigiinnangajappaat.

Taamatutaaq 2020-imi Danmarkimi klamydiamik tunillatsissimasut amerlanersaat 15-it 24-illu akornanni ukioqarput, takuuk (5a).

---

<sup>1</sup> Nunatsinni Nakorsaaneqarfik suliamut malitseqartitsereerpoq.

- Qup. 8-mi nassuiaatip una nanginneraa. ... Sumiiffik -meeraq Peqqinnissaqarfimit misissorneqarpoq angajoqqaallu oqaloqatigineqarnissaannut aggersarneqarput meeraq politiiunut nalunaarutigineqarluni "Meeqqanut". Peqqinnissaqarfimmit iliuusissat isumagineqareerput.


<b>Tabeli 6: 2020-imi klamydiamik tunillatsissimasut amerlassusaat ukiuinut agguataakkat (n=2.984) *</b>				
Ukiui	Angutit	Arnat	Katillugit	Procentinngorlugit
0-4	0	0	0	0
5-9**	0	1	1	0,03
10-14	3	44	47	1,6
15-19	238	583	821	27,5
20-24	323	518	841	28,2
25-29	234	344	578	19,4
30-34	155	186	341	11,4
35-39	77	68	145	4,9
40-44	51	35	86	2,9
45-49	22	22	44	1,5
50-54	14	33	47	1,6
55-59	13	8	21	0,7
60+	6	6	12	0,4
Katillugit	1.136	1.848	2.984	≈ 100 %

\* Nassuiaat: 2018-imiit klamydiamik tunillatserlaat asseqanngitsutut nassaarfiusutut imal. ullut 42-it sinnerlugit akunnillimmik marloriarlugit nassaarfiusutut kisinneqartalerput. Taamaalillutik misissuinerni klamydiamik nassaarfiusut tamarmik 95,3 % -ii 2020-imi kisitsisinut ilaapput.

\*\* Nunatsinni Nakorsaaneqarfik suliamut tunngatillugu malitseqartitsererpoq. Sumiiffik -meeraq Peqqinnissaqarfimit misissorneqarpoq angajoqqaallu oqaloqatigineqarnissaannut aggersarneqarput meerarlu politiinut nalunaarutigineqarluni "Meeqqanut". Peqqinnissaqarfimmit iliuusissat isumagineqareerput.

## **Innuttaasut 100.000 -iuppata 1.000-iuppatalu klamydiamik tunillatsittut**

2017-imiit 2020-imut klamydiamik tunillatsissimasut isigissagaanni ikiliartulaarnerat takussutissiami 2-mi takutinneqarpoq. Tamatuma saniatigut ukiut kingulliit aqqanillit ingerlaneranni klamydiamik tunillatsissimasut 2012-imi amerlanerpaasut 2010-imilu ikinnerpaasut, takussutissiami 2-mi takuneqarsinnaavoq.



Tamatuma saniatigut 2020-imi klamydiamik tunillatsittut arnat (10<sup>5</sup>-iuppata 6.936,4-iusut) angutiunut (10<sup>5</sup>-iuppata 3.831,0-iusunut) sanilliullugit marloriaatingajaanerat, takkussutissiami 2-mi takuneqarsinnaavoq. Kisitsisit Danmarkimi kisitsisinut (2018-imi angutit akornanni 10<sup>5</sup>-iuppata klamydiamik tunillatsissimasunut 471-iusunut arnallu 10<sup>5</sup>-iuppata 679-iusunut) sanilliullugit qaffasinnerujussuupput (4). 2018-imiit 2020-imut Danmarkimi klamydiamik tunillatsissimasut sulii amerlagaaluit nunatsinni kisitsisit sulii qaffasinneroqaat (5b).

Danmarkimi Sundhedsstyrelsi naapertorlugu arnat angutillu akornanni tunillatsissimasut amerlaqatigiinnissaat ilimagineqarpoq (6), nassuiaatigineqartutullu amerlasuut ersiuteqannginnamik sianiginagu tunillatsissimasinnaapput (7).

Tamatumunnga atatillugu nunatsinni klamydiamik tunillatsissimasut 15-it 59-illu akornanni ukiullit 1.000-iuppata 80,8 klamydiamik tunillatsissimanerisigut amerliartornerat ataani tabelimi 7-imi takutinneqarpoq. Taakku 2019-imi 15-it 59-illu akornanni ukiullit 1.000-iuppata 46,6-inut tunillatsissimasunut sanilliullugit marloriaatingajammik amerlanerupput (2).

<b>Tabeli 7: 2020-imi 15-ileereersut 100.000-iuppata, 15-iniillu 59-inut ukiullit 1.000-iuppata klamydiamik tunillatsissimasut amerlassusaat*</b>			
	Angutit	Arnat	Katillugit
Klamydiamik tunillatsissimasut 15-ileereersimasut	1.124	1.812	2.936
Innuttaasut 15-ileereersimasut **	23.684	21.010	44.694
15-ileereersut 10 <sup>5</sup> -iuppata klamydiamik tunillatsissimasut	4.746	8.624	6.569
15-iniit 59-inut ukiulinni klamydiamik tunillatsissimasut	1.118	1.806	2.924
Innuttaasut 15-it 59-illu akornanni ukiullit**	18.970	17.214	36.184
15-iniit 59-inut ukiullit 1.000-iuppata klamydiamik tunillatsissimasut	58,9	104,9	80,8
* Nassuiaat: 2018-imiit klamydiamik tunillatserlaat asseqanngitsutut nassaarfiusutut imal. ullut 42-it sinnerlugit akunnillimmik marloriarlugit nassaarfiusutut kisinneqartalerput. Taamaalillutik misissuinerni klamydiamik nassaarfiusut tamarmik 95,3 % -ii 2020-imi kisitsisinut ilaapput** Ukiup affaani (1. juli 2020), <a href="http://www.stat.gl">www.stat.gl</a> , tabel BEXSTM3-mi pissarsiasaasunut sanilliullugit naatsorsukkat.			

## **Klamydiamik tunillatsissimasut illoqarfinnut agguataarsimanerat**

Tasiilami klamydiamik tunillatsissimasut (inuit 1.000-iuppata 112,9 -iullutik) amerlanerpaanerat, Paamiut Qaqortullu tulliunerat Upernavimmilu (inuit 1.000-iuppata 26,6-iullutik) ikinnerpaanerat, tulliullutik Qeqertarsuaq, Uummannaq Narsarlu, ataani tabelimi 8-mi takutinneqarput.

2019-imut sanilliullugit 2020-imi Aasianni 20%-it pallingajattut, Paamiuni 10%-it pallingajattut Tasiilamilu 11%-it tunillatsissimanerisigut illoqarfinni taakkunani klamydiamik tunillatsissimasut amerleriapiloorsimapput.

Tamatumunnga atatillugu ukiui agguaqatigiissikkaanni Qasigiannuani arnat ukiukinnerpaanerat (20,8) Ittoqqortoormiinilu arnat ukioqqortunerpaanerat (25,6) tabelimi 8-mi takuneqarsinnaavoq. Tamatuma saniatigut ukiui agguaqatigiissikkaanni Qaqortumi angutit ukiukinnerpaanerat (24,2) Ittoqqortoormiinilu angutit ukioqqortunerpaanerat (30,3) takuneqarsinnaavoq.

<b>Tabeli 8: 2020-imi klamydiamik tunillatsissimasut amerlassusaat, ukiuisa agguataarsimanerat innuttaasunullu 1000-inut naatsorsorneqarnerat (n=2.984)</b>						<b>2019-imi klamydiamik tunillatsissimasut ***</b>
*						
Illoqarfik	Angutit (ukiui agguaqatigiissi llugit)	Arnat (ukiui agguaqatigiissi llugit)	Katillugit	Ukiui agguaqatigiissi illugit	1.000-iuppata**	1.000-iuppata** *
Nanortalik	31 (28,1)	40 (22,4)	71	24,9	43,0 (-)	72,4
Qaqortoq (Ivittuullu)	89 (24,6)	149 (23,9)	238	24,2	74,4 (+)	69,9
Narsaq	21 (26,6)	33 (22,8)	54	24,3	33,5 (-)	48,9
Paamiut	50 (26,2)	73 (25,3)	123	25,7	90,0 (+)	53,5
Nuuk	365 (27,5)	556 (25,0)	921	26	49,2	50,5
Maniitsoq	56 (26,9)	68 (24,1)	124	25,4	39,7 (+)	36,2
Sisimiut	147 (25,5)	240 (22,2)	387	23,5	61,9 (-)	67,1
Aasiaat (Kangaatsiarlu)	77 (26,8)	146 (23,8)	223	24,8	191,9 (+)	51,8
Qasigiannuguit	31 (22,5)	40 (20,8)	71	21,5	59,9 (-)	69,4
Ilulissat	82 (27,4)	144 (24,6)	226	25,6	44,9 (-)	48,8
Qeqertarsuaq	14 (24,8)	12 (24,3)	26	24,5	30,8 (-)	32,0
Uummannaq	33 (27,4)	42 (24,3)	75	25,6	32,8 (-)	36,5
Upernavik	23 (25,9)	52 (25,4)	75	25,6	26,6 (-)	34,1
Qaanaaq	15 (29,7)	22 (23,8)	37	26,2	48,2 (-)	55,6
Tasiilaq	96 (28,0)	219 (24,3)	315	25,4	112,9 (+)	83,6
Ittoqqortoormiit	6 (30,3)	12 (25,6)	18	27,2	51,4 (-)	56,0
Nunatsinni illoqarfiit tamakkerlugit	1.136 (26,8)	1.848 (24,1)	2.984	25,1	53,0 (+)	52,6

\* Nassuiaat: 2018-imiit klamydiamik tunillatserlaat asseqanngitsutut nassaarfiusutut imal. ullut 42-it sinnerlugit akunnillimmik marloriarlugit nassaarfiusutut kisinneqartalerput. Taamaallit misissuinerni klamydiamik nassaarfiusut tamarmik 97,4 % -ii 2020-imi kisitsisinut ilaapput.

\*\* Ukiup affaani (1. juli 2020), www.stat.gl, tabel BEXSTM3-mi pissarsiassaasunut sanilliullugit naatsorsukkat.

\*\*\* 2019-imi Klamydia Gonorré-lu pillugit naatsorsueqqissaarnermi kisitsisit (2)

## Inuusuttuaqqani klamydiamik tunillatsissimasut

### Inuusuttuaqqat

Paasissutissataaq naapertorlugit inuusuttuaqqat (13-it 19-illu akornanni ukiullit) akornanni klamydiamik tunillatsissimasut katillugit 867-iullutik, niviarsiaqqat 626-iullutik nukappiaqqallu 241-llutik agguataarsimasut takuneqarsinnaavoq. Taamaalilluni 2020-imi nunatsinni inuusuttuaqqat akornanni klamydiamik tunillatsissimasunik ullut tamaasa marluk missaannik siumuisoqartarpoq.

2020-imi inuusuttuaqqat 112-it marloriarlutik tunillatsissimanerat, 20-it pingasoriarlutik tunillatsissimanerat pingasullu sisamariarlutik tunillatsissimanerat paasissutissani takuneqarsinnaavoq. Taamaalillutik inuusuttuaqqat akornanni misissukkanit 15,6 %-it (135/867) tunillatseqqissimapput.

Taamatutaaq inuusuttuaqqat 18-it inorlugit ukiullit 381-iunerat (klamydiamik tunillatsissimasut 452-it) paasissutissani takuneqarsinnaavoq. Taamaalilluni 2020-imi nunatsinni inuusuttuaqqat akornanni klamydiamik tunillatsissimasunik ullut tamaasa minnerpaamik ataatsimik siumuisoqartarpoq.

**Tabeli 9: 2020-imi klamydiamik tunillatsissimasut ataatsiakkaat amerlassusaat, innuttaasut amerlassusaat inuusuttuaqqallu 20-it inorlugit ukiullit 1.000-iuppata tunillatsittut amerlassusaat \***

Klamydiamik tunillatsissimasut			
Ukiui	Angutit	Arnat	Katillugit
11	0	0	0
12	0	2,9	1,4
13	0	25,9	13,0
14	0	91,7	45,7
15	52,2	250,7	150,4
16	72,2	301,5	182,7
17	128,7	344,1	231,4
18	185,3	384,4	285,5
19	208,2	335,1	273,1
20	190,6	288,1	239,3
Katillugit	103,9	236,0	169,4



\* Nassuiaat: 2018-imiit klamydiamik tunillatserlaat asseqanngitsut nassaarfiusutut imal. ullut 42-it sinnerlugit akunnillimmik marloriarlugit nassaarfiusutut kisinneqartalerput. Taamaalillutik misissuinerni klamydiamik nassaarfiusut tamarmik 97,4 % -ii 2020-imi kisitsisinut ilaapput.  
\*\* Ukiup affaani (1. juli 2020), [www.stat.gl](http://www.stat.gl), tabel BEXSTM3-mi pissarsiaasaasunut sanilliullugit naatsorsukkat.

### 15-iliisimangitsut

46-it (klamydiamik tunillatsissimasut 48-it) 15-it inorlugit ukioqarput (niviarsiaaraq ataaseq tallimanik ukiulik ilanngullugu<sup>2</sup>), taamaalilluni ullut arfineq pingajussaata tamaasa ukiukitsumik tassalu atoqatigineqarsinnaanermut ukiui inuuttumik klamydiamik tunillatsittoqartarpoq.

Tamatumunnga atatillugu 2020-imi 15-inik ukiulinnut tunngatillugu paasissutissat 2019-imilu paasissutissat atoqatigiissaarneqarput. Atoqatigiissaarinermi imminnut naapertuuttut 38-it nassaarineqarput taakkunannga niviarsiaqqat qulaaluaat 2019-imi 15-inik ukioqarlutik klamydiamik tunillatsissimallutik.

38-iusunit taakkunannga katillugit 27-it suli 15-iliinatik klamydiamik tunillatsissimapput tassalu atoqatigineqarsinnaanermut ukiui inuullutik.

38-iusunit taakkunannga 15-inik ukiullit 14-it (2020-imi), 2020-imi 2019-imilu arlaleriarlutik klamydiamik tunillatsissimapput, 2019-imi 13-inik 14-inillu ukioqarlutik. Niviarsiaqqat taakku 15-inik ukiullit sisamat 2019-imi 2020-imilu katillugit sisamariarlutik klamydiamik tunillatsissimapput (2019-imi marloriarlutik 2020-imilu marloriarlutik), niviarsiaqqanit 15-inik ukiulinnit taakkunannga marluk 13-inik ukioqarlutik aamma klamydiamik tunillatsissimapput (2019-imi).

Tamatuma saniatigut niviarsiaqqat 14-inik ukiullit 13-nit (i 2020-imi) 2020-imi 2019-imilu ataasiarlutik arlaleriarlutilluunniit klamydiamik tunillatsissimasut, kiisalu niviarsiaqqat 14-inik ukiullit arfineq marluk 2019-imi 13-inik ukioqarlutik ataasiarlutik marloriarlutilluunniit klamydiamik tunillatsissimasut paasineqarpoq. Taamaalillutik inuusuttut aamma atoqatigineqarsinnaanermut ukiut inuuttut 2019-imi klamydiamik tunillatsissimapput ukiukitsullu taakku 2020-imi aamma klamydiamik tunillatsissimallutik.

<sup>2</sup> Nunatsinni Nakorsaaneqarfik suliamut tunngatillugu malitseqartitsereerpoq.

Sumiiffik -meeraq Peqqinnissaqarfimit misissorneqarpoq angajoqqaallu oqaloqatigineqarnissaannut aggersarneqarput meerarlu politiinut naliunaarutigineqarluni "Meeqqanut". Peqqinnissaqarfimmit iliuusissat isumagineqareerput.

## Inuusuttuaqqani klamydiamik tunillatsissimasut illoqarfinnut agguataarsimanerat

Tabeli 10: 2020-imi klamydiamik tunillatsissimasut illoqarfinnut, ukiukitsunut 18-iliisimangitsunullu agguataarsimanerat*			2019-imi klamydiamik tunillatsissimasut ***	
Ukioqatigiiaat 1.000-iuppata klamydiamik tunillatsissimasut amerlassusaat**			1.000-uppat	1.000-iuppata
Illoqarfik	Ukiukitsut Quliniit 14-inut ukiullit****	18-iliisimangitsut Quliniit 17-inut ukiullit	Ukiukitsut Quliniit 14-inut ukiullit****	18-iliisimangitsut Quliniit 17-inut ukiullit
Nanortalik	8,9 (+)	96,6 (+)	0,0	86,0
Qaqortoq (Ivittuullu)	9,6	88,1 (+)	9,8	59,4
Narsaq	0,0	17,8 (-)	0,0	55,6
Paamiut	32,3 (+)	115,1 (+)	11,4	64,8
Nuuk	7,5 (-)	60,5 (-)	12,6	66,1
Maniitsoq	5,3	69,2 (-)	5,6	88,4
Sisimiut	26,7 (-)	121,2 (+)	30,5	107,7
Aasiaat (Kangaatsiarlu)	11,6 (-)	92,8	14,1	93,2
Qasigiannugit	26,0 (-)	195,1 (-)	40,5	213,7
Ilulissat	29,2 (-)	65,8 (-)	36,0	85,6
Qeqertarsuaq	0,0	42,1 (+)	0,0	40,4
Uummannaq	0,0 (-)	48,6 (+)	7,1	43,1
Upernavik	4,7 (-)	5,6 (-)	24,4	34,0
Qaanaaq	0,0	42,1 (-)	0,0	56,8
Tasiilaq	18,6 (-)	121,1 (+)	35,7	115,6
Ittoqqortoormiit	0,0	25,0 (-)	0,0	54,1
Katillugit	12,7 (-)	76,1 (-)	17,9	79,5
<p>* Nassuiaat: 2018-imiit gonorré-mik tunillatserlaat asseqanngitsutut nassaarfiusutut imal. ullut 42-it sinnerlugit akunnillimmik marloriarlugit nassaarfiusutut kisinneqartalerput. Taamaalillutik misissuinerni klamydiamik nassaarfiusut tamarmik 95,3 % -ii 2020-imi kisitsisinut ilaapput.</p> <p>** Ukiup affaani (1. juli 2020), <a href="http://www.stat.gl">www.stat.gl</a>, tabel BEXSTM3-mi pissarsiassaasunut sanilliullugit naatsorsukkat.</p> <p>*** 2019-imi klamydia gonorrélu pillugit naatsorsueqqissaanermi kisitsisit (2)</p> <p>**** Ukiukitsut tassalu atoqatigineqarsinnaanermut ukiui inuuttut</p>				

### **Ukiukitsut (quliniit 14-inut ukiullit)**

Ukiukitsut, tassavoq atoqatigineqarsinnaanermut ukiui inuuttut 2019-imut sanilliullugit 2020-imi ukiukitsut (15-it inorlugit ukiullit) akornanni klamydiamik tunillatsittut ikinnerunerat (2019-imi 1.000-iuppata 17,9-unerat, 2020-imilu 1.000-iuppata 12,7-unerat) qulaani tabelimi 10-mi takutinneqarpoq.

Qasigianguani ukiukitsut akornanni klamydiamik tunillatsissimasut amerlanerpaapput (1.000-iuppat 40,5-iullutik), tulliullutik Ilulissat Tasiilarlu, illoqarfinnilu makkunnani Nanortalik, Narsaq, Qeqertarsuaq, Qaanaq Ittoqqortoormiinilu soqarani (1.000-iuppata 0).

Ukiukitsut akornanni klamydiamik tunillatsissimasut Paamiuni Nanortalimmilu amerleriaput. Illoqarfinni amerlanerni ukiukitsut akornanni klamydiamik tunillatsissimasut ikileriaput; Upernavimmi, Qasigianguani Nuummilu ikileriarnepaallutik.

### **Suli inersimasunngungitsut/18-iliisimangitsut (qulit 17-illu akornanni ukiullit)**

2019-imut sanilliullugit 2020-imi 18-iliisimangitsuni klamydiamik tunillatsissimasut ikinnerulaarput (2019-imi 1.000-iuppat 79,5-iullutik 2020-imilu 1.000-iuppata 76,1-iullutik), tabeli 10.

Tamatuma saniatigut suli inersimasunngungitsut akornanni klamydiamik tunillatsissimasut Qasigianguani amerlanerpaajusut (1.000-iuppata 195,1-iusut) tabelimi 10-mi takutinneqarpoq. Allatut oqaatigalugu Qasigianguani suli inersimasunngungitsut tallimaappata ataaseq pallingajattoq 2019-imisuulli 2020-imissaaq klamydiamik tunillatsissimavoq. Tulliupput Sisimiut Tasiilarlu taakkunani 18-iliisimangitsut quliuppata ataaseq 2020-imi 2019-imilu klamydiamik tunillatsissimavoq.

Taakkunani tunillatsissimasut ikinnerpaat Upernavimmiipput (1.000-iuppata 5,6-iullutik), tulliupput Narsaq Ittoqqortoormiillu.

Suli inersimasunngungitsut akornanni klamydiamik tunillatsissimasut illoqarfinni arfineq marlunni amerleriarnerat Paamiunilu, Sisimiunilu Qaqortumilu amerleriarnepaasimanerat takuneqarsinnaavoq. Illoqarfinni amerlanerni 18-iliisimangitsuni klamydiamik tunillatsissimasut ikileriarnerat takuneqarsinnaavoq, Narsamilu, Ittoqqortoormiinilu Upernavimmi ikilinerpaasimallutik.

Oqaatigineqareersutut klamydia angutini arnanilu ersiuteqarajuttangilaq. Taamaammatt tunillatsissimasut Nunatsinni Nakorsaaneqarfiup ukiumoortumik

nalunaarusiaani allassimasunit amerlanerujussuusinnaanerat ilimagineqarsinnaavoq. Inuusuttut ilaat atoqatigineqarsinnaanermut ukiui inuuttut, 2020-imi klamydiamik tunillatsissimasut, 2019-imi aamma tunillatsissimasuupput.

Suli inersimasunngunngitsut pingaartumillu atoqatigineqarsinnaanermut ukiui inuuttut akulikitsunik klamydiamik tunillatsittarnerat, Nunatsinni Nakorsaaneqarfimmit ernumanartutut nalilerneqarpoq.

## **Gonorre-mik klamydiamillu tunillatsissimasut ataqatigiissaakkat**

Inuusuttuaqqat (13-iniit 19-inut ukiullit) 2020-imi klamydiamik tunillatsissimasut ataasiakkaat pillugit paasissutissat 2020-imilu inuusuttuaqqat ataasiakkaat gonorré-mik tunillatsissimasut pillugit paasissutissat ataqatigiissaarneqarput.

Ataqatigiissaarneqarneranni imminnut naapertuuttut 318-it nassaarineqarput, taamaalillutik inuusuttuaqqat 318-it 2020-ip ingerlanerani klamydiamik gonorre-millu tunillatsissimapput.

Ukiukitsut ataasiakkaat (quliniit 14-inut ukiullit) tassalu atoqatigineqarsinnaanermut ukiui inuuttut 2020-imi klamydiamik tunillatsissimasut pillugit paasissutissat ukiukitsullu ataasiakkaat 2020-imi gonorré-mik tunillatsissimasut pillugit paasissutissat ataqatigiissaarneqarputtaaq. Ataqatigiissaarneqarneranni imminnut naapertuuttut 21-it nassaarineqarput, taamaalillutik ukiukitsut 21-it 2020-ip ingerlanerani klamydiamik gonorre-millu tunillatsissimapput.

## **Najoqqutarisat**

1. Statens Serum Institut (2017): Gonorré 2016:

<https://www.ssi.dk/aktuelt/nyhedsbreve/epi-nyt/2017/uge-18---2017>

2. Nunatsinni Nakorsaaneqarfik (Kalaallit Nunaat, 2019): 2019-imi Nunatsinni Klamydia aamma Gonorré pillugu kisitsisit atorlugit nalunaarusiaq

[https://nun.gl/emner/udgivelser/aarsberetninger/sundhedsfaglige\\_notater\\_vedroeren\\_de\\_2019?sc\\_lang=kl-gl](https://nun.gl/emner/udgivelser/aarsberetninger/sundhedsfaglige_notater_vedroeren_de_2019?sc_lang=kl-gl)

3. Overvågning i tal, grafer og kort: Gonorré, individuelle anmeldelsespligtige sygdomme:

3a:

[https://statistik.ssi.dk//sygdomsdata#!/?sygdomskode=GONO&xaxis=Aldersgruppe&sh\\_ow=Graph&aar=2020%7C2020&datatype=Individual](https://statistik.ssi.dk//sygdomsdata#!/?sygdomskode=GONO&xaxis=Aldersgruppe&sh_ow=Graph&aar=2020%7C2020&datatype=Individual)

3b:

<https://statistik.ssi.dk//sygdomsdata#!/?sygdomskode=GONO&xaxis=Aar&show=Graph&aar=2010%7C2020&datatype=Individual>

3c:

<https://statistik.ssi.dk//sygdomsdata#!/?sygdomskode=GONO&xaxis=Kon&show=Graph&aar=2020%7C2020&datatype=Individual>

3d:

<https://statistik.ssi.dk//sygdomsdata#!/?sygdomskode=GONO&smittevej=306&xaxis=Kon&show=Graph&aar=2020%7C2020&datatype=Individual>

3e:

<https://statistik.ssi.dk//sygdomsdata#!/?sygdomskode=GONO&smittevej=304&xaxis=Kon&show=Graph&aar=2020%7C2020&datatype=Individual>

4. Statens Serums Institut (2019): Klamydia – opgørelse over sygdomsforekomst 2018.

Findes på web-adressen: <https://www.ssi.dk/sygdomme-beredskab-og-forskning/sygdomsovervaagning/k/klamydia---opgoerelse-over-sygdomsforekomst-2018>

5. Overvågning i tal, grafer og kort: Klamydia, laboratorieanmeldelsespligtige sygdomme:

5a:

<https://statistik.ssi.dk//sygdomsdata#!/?sygdomskode=KLAM&xaxis=Aldersgruppe&show=Graph&aar=2020%7C2020&datatype=Laboratory>

5b:

<https://statistik.ssi.dk//sygdomsdata#!/?sygdomskode=KLAM&xaxis=Aar&show=Graph&datatype=Laboratory>

6. Sundhed (2020): Klamydia

Findes på web-adressen:

<https://www.sundhed.dk/borger/patienthaandbogen/sexsygdomme/sygdomme/bakterieinfektioner/klamydia/>

7. Sundhedsstyrelsen (2015): Anbefalinger om forebyggelse, diagnose og behandling af seksuelt overførbare infektioner

Findes på web-adressen: <https://www.sst.dk/-/media/Udgivelser/2015/Anbefalinger-om-forebyggelse-diagnose-og-behandling-af-seksuelt-overf%C3%B8rbare-infektioner.ashx?la=da&hash=F9A750E13E3ED96401C870174E5416EBAEA6612D>